

5. gr.

Fiskistofa skal halda fjárreiðum vegna innheimtu þessarar aðgreindum frá bókhaldi sínu og skal standa Þróunarsjóði sjávarútvegsins skil á innheimtu gjaldsins eins fljótt og auðið er, þó ekki sjaldnar en einu sinni í mánuði. Þróunarsjóður sjávarútvegsins skal greiða Fiskistofu samkvæmt reikningi kostnað vegna innheimtu þeirrar sem Fiskistofa annast skv. reglugerð þessari.

6. gr.

Reglugerð þessi er sett samkvæmt ákvæðum laga nr. 92/1994 um Þróunarsjóð sjávarútvegsins með síðari breytingum og óðlast þegar gildi.

Sjávarútvegsráðuneytinu, 16. júlí 1998.

Þorsteinn Pálsson.

Jón B. Jónasson.

REGLUGERÐ

um veiðar í atvinnuskyni fiskveiðiárið 1998/1999.

Veiðileyfi í atvinnuskyni.

1. gr.

Við veitingu veiðileyfa í atvinnuskyni á fiskveiðiárinu 1. september 1998 til 31. ágúst 1999 koma aðeins til greina þau skip, sem veiðileyfi hafa fengið samkvæmt 5. gr. 1. nr. 38/1990, um stjórn fiskveiða, með síðari breytingum. Um endurnýjun fiskiskipa fer skv. ákvæðum 12.-18. gr. reglugerðar þessarar.

Heildaraflí og veiðitímabil.

2. gr.

Fyrir fiskveiðiárið 1. september 1998 til 31. ágúst 1999 er leyfilegur heildaraflí og úthlutað aflamark úr botnfisktegundum sem hér segir:

Tegund	Leyfilegur heildaraflí 1998/1999	Utan aflamarks		Úthlutað aflamark 1998/1999
		Til jöfnunar 1998/1999	Króka- bátar 1998/1999	
	Lestir	Lestir	Lestir	Lestir
1. Þorskur	250.000	5.000	34.375	210.625
2. Ýsa	35.000	-	2.500	32.500
3. Ufsi	30.000	-	2.000	28.000
4. Karfi	65.000	-	-	65.000
5. Grálúða	10.000	-	-	10.000
6. Steinbítur	13.000	-	3.000	10.000
7. Skarkoli	7.000	-	-	7.000
8. Langlúra	1.100	-	-	1.100
9. Sandkoli	7.000	-	-	7.000
10. Skrápflúra	5.000	-	-	5.000

Afli samkvæmt ofangreindu miðast við óslægðan fisk með haus.

Aflamark einstakra skipa skal miðað við slægðan fisk með haus í öðrum tegundum en karfa.

Aflamark í sandkola og skrápflúru miðast við afla á svæði sem er sunnan 64°30'N við Austurland og sunnan við línu sem dregin er réttvísandi vestur úr Öndverðarnesi. Á öðrum svæðum eru veiðar á þessum tegundum ekki bundnar aflamarki.

3. gr.

Á tímabilinu 1. september 1998 til 31. ágúst 1999 er leyfilegur heildaraflí úr neðangreindum tegundum sem hér segir:

Tegund	Lestir
1. Síld (íslensk sumargots síld)	70.000
2. Úthafs rækja	60.000
3. Humar	1.200
4. Hörpudiskur samtals	9.800
þ.a. Breiðafjörður	8.500
þ.a. Húnaflói	1.000
þ.a. Arnarfjörður	300
5. Innfjarðarækja samtals	4.700
þ.a. Arnarfjörður	400
þ.a. Ísafjarðardjúp	1.000
þ.a. Húnaflói	1.000
þ.a. Skagafjörður	800
þ.a. Skjálfandi	500
þ.a. Öxarfjörður	1.000

Leyfilegur heildaraflí af innfjarðarækju, skv. tl. 5, er miðaður við bráðabirgðatillögur Hafrannsóknastofnunarinnar um upphafsaflla og verða þær endurskoðaðar fyrir rækjuvertíðina og síðan eftir áramót 1998/1999.

Veiðitímabil síldar er frá og með 1. september 1998 til og með 1. maí 1999. Veiðitímabil úthafs rækju og humars er fiskveiðiárið.

Miðað er við að veiðitímabil innfjarðarækju standi frá 1. október 1998 til 1. maí 1999. Heimilt er með tilkynningu til leyfishafa að breyta upphafi og lokum vertíðar á tilgreindum veiðisvæðum innfjarðarækju, liggi fyrir umsögn um það frá Hafrannsóknastofnuninni.

Veiðitímabil og heildaraflí annarra tegunda verður ákveðið sérstaklega með reglugerð.

Úthafs rækjuveiðisvæði.

4. gr.

Til úthafs rækju telst rækja, sem veidd er á svæðum, sem skilgreind eru í reglugerð nr. 303/1995, um úthafs rækjuveiðisvæði o.fl., og ennfremur rækja, sem veidd er samkvæmt sérstökum leyfum innan viðmiðunarlínu á Breiðafirði.

Úthafs rækja, sem veidd er á Dohrbanka vestan 26°V og norðan 65°30'N telst ekki til aflamarks í úthafs rækju, enda staðfesti skipstjóri nákvæmlega í afladagbók hversu mikill aflí sé fenginn á því svæði og tilkynni um veiðar og afla skv. 3. mgr. 19. gr. reglugerðar þessarar. Vanræksla á tilkynningum, rangar eða villandi upplýsingar leiða til þess að allur rækjuafllí skipsins reiknast til aflamarks í úthafs rækju.

Skipting leyfilegs afla.

5. gr.

Veiðiheimildum í þeim tegundum sem heildarafla er takmarkaður af, skv. 2. og 3. gr. skal skipt milli einstakra skipa.

Úthlutað aflamark hvers skips í hverri einstakri tegund ræðst annars vegar af aflahlutdeild skipsins í viðkomandi tegund en hins vegar af úthlutaðu heildaraflamarki í tegundinni skv. 2. og 3. gr.

Aflahlutdeild hvers skips skal vera sú sama og skipunum var úthlutað fyrir fiskveiðiárið 1. september 1997 til 31. ágúst 1998, að teknu tilliti til flutnings á aflahlutdeild milli skipa.

Áður en leyfðum heildarafla er skipt á grundvelli aflahlutdeildar er eftirtalið dregið frá:

1. Áætlaður afli krókabáta skv. 6. gr.
2. Aflaheimildir, sem nota skal til jöfnunar sbr. 2. gr.

Krókabátar.

6. gr.

Bátar, sem eingöngu stunda veiðar með handfærum eða línu og handfærum, skv. 6. gr. laga nr. 38/1990, með síðari breytingum, kallast krókabátar, veiðileyfi þeirra krókaleyfi og veiðar þeirra krókaveiðar. Um veiðar krókabáta gilda ákvæði reglugerðar um veiðar krókabáta fiskveiðiárið 1998/1999.

Sameiginlegur hámarksafli krókabáta í þorski skal vera 34.375 lestir miðað við óslægðan þorsk með haus.

Útreikningur aflamarks.

7. gr.

Þegar umreikna skal óslægðan fisk í slægðan skal margfalda magn þorsks, ýsu og ufsa með 0,84, grálúðu, skarkola, sandkola, skrápflúru og langlúru með 0,92 og steinbíts með 0,9.

Þegar umreikna skal slægðan fisk í óslægðan skal deila í magn þorsks, ýsu og ufsa með 0,84, grálúðu, skarkola, sandkola, skrápflúru og langlúru með 0,92 en steinbíts með 0,9.

Þegar umreikna skal slitinn humar yfir í óslitinn skal margfalda vegið magn humarhala með 3,25. Þegar umreikna skal óslitinn humar yfir í slitinn humar skal deila í vegið magn óslitins humars með 3,25.

Allan afla af botnfisktegundum, sem sæta ákvæðum um leyfilegan heildarafla, sbr. 2. gr., og fluttur er óunninn á erlendan markað skal reikna með álagi til aflamarks. Skal álagið vera 20% á þorsk, 15% á ýsu, ufsa, karfa og grálúðu en 10% á skarkola, steinbít, langlúru, skrápflúru og sandkola.

Þorskur og ufsi styttri en 50 sm, ýsa styttri en 45 sm og karfi styttri en 33 sm teljast ekki að hálfu til aflamarks, enda fari þorskur undir 50 sm ekki yfir 7% af þorskafla í veiðiferð og afli annarra tegunda samkvæmt þessari málsgrein ekki yfir 10% af viðkomandi tegund. Heimild samkvæmt þessari málsgrein er bundin þeim skilyrðum að afla undir tilgreindum stærðum sbr. 1. málslíð, sé haldið aðgreindum frá öðrum afla um borð í veiðiskipi og hann veginn sérstaklega af löggiltum vigtarmanni, sem annast endanlega vigtun aflans innanlands. Ákvæði þessarar málsgreinar gilda ekki um afla, sem frystur er um borð í veiðiskipi, nema um heilfrystan fisk sé að ræða. Allur fiskur, sem veiddur er á handfæri telst til aflamarks.

8. gr.

Þegar meta skal til hvaða fiskveiðiárs tiltekinn afli telst, skal miða við hvenær afla er landað hér á landi. Þannig telst afli, sem landað er 1. september 1998 eða síðar, til fiskveiðiársins 1. september 1998 til 31. ágúst 1999, enda þótt veiðiferð hefjist fyrir upphaf þess fiskveiðiárs. Á sama hátt telst afli, sem landað er 1. september 1999 eða síðar, til fiskveiðiárs er hefst þann dag, enda þótt veiðiferð hefjist fyrir.

Sigli skip með eigin afla á erlendan markað, skal afli teljast til þess fiskveiðiárs, þá er skipið sannanlega hættir veiðum fyrir siglingu.

Framsal og sameining veiðiheimilda.

9. gr.

Heimilt er að flytja aflamark milli skipa án undangenginna viðskipta á Kvótaþingi í eftirtöldum tilvikum:

1. Þegar aflamark er flutt milli skipa í eigu sama aðila, einstaklings eða lögaðila.
2. Þegar um er að ræða jöfn skipti miðað við meðaltalsviðskiptaverð viðkomandi tegunda á Kvótaþingi í síðast liðinni viku.
3. Þegar um er að ræða flutning aflamarks af tegund sem ráðherra hefur með reglugerð undanþegið viðskiptaskyldu á Kvótaþingi.

Tilkynna skal Fiskistofu fyrirfram um flutning aflamarks samkvæmt 1. mgr. og öðlast hann ekki gildi fyrir en stofan hefur staðfest flutninginn. Eigandi þess skips sem aflamarkið er flutt frá skal undirrita beiðni um flutning. Ákvæði þessarar málsgreinar gilda einnig um flutning á þorskaflahámarki eftir því sem við á.

Annar flutningur aflamarks milli skipa en um getur í 1. mgr. er óheimill nema að undangengnum viðskiptum á Kvótaþingi. Fer um hann samkvæmt lögum um Kvótaþing nr. 11/1998.

Veiði fiskiskip minna en 50% af samanlögðu aflamarki sínu í þorskígildum talið tvö fiskveiðiár í röð fellur veiðileyfi þess og aflahlutdeild niður og skal aflahlutdeild annarra skipa í viðkomandi tegundum hækka sem því nemur. Skal við mat á þessu hlutfalli miðað við verðmæti einstakra tegunda í aflamarki skips samkvæmt ákvörðun ráðuneytisins í upphafi fiskveiðiárs. Viðmiðunarhlutfall, sem ákveðið er í þessari málsgrein, lækkar þó um 5% fyrir hverja fulla 30 daga sem skipi er haldið til veiða utan fiskveiðilandhelgi Íslands á fiskveiðiárinu á þeim tegundum sem ekki hefur verið samið um veiðistjórn á. Tefjist skip frá veiðum í sex mánuði eða lengur innan fiskveiðiárs, vegna tjóns eða meiriháttar bilana, hefur afli þess fiskveiðiárs ekki áhrif til niðurfellingar aflahlutdeildar eða veiðileyfis samkvæmt þessari grein.

Á hverju fiskveiðiári er einungis heimilt að flytja af fiskiskipi aflamark, umfram aflamark sem flutt er til skips sem nemur 50% af samanlögðu aflamarki sem skipi var úthlutað í upphafi fiskveiðiárs á grundvelli aflahlutdeildar þess.

10. gr.

Flutning á aflahlutdeild milli fiskiskipa skal tilkynna Fiskistofu skriflega fyrirfram. Eigandi þess skips sem aflahlutdeildin er flutt frá skal undirrita beiðni um flutning. Við flutning á aflahlutdeild skal leggja fram veðbókarvottorð þess skips sem flutt er frá ásamt samþykki þeirra aðila er þinglýst veð áttu í skipinu 1. janúar 1991. Flutningur aflahlutdeildar öðlast ekki gildi fyrir en staðfesting Fiskistofu liggur fyrir. Aldrei er heimilt að flytja aflahlutdeild milli skipa, leiði slíkur flutningur til þess að veiðiheimildir þess skips sem flutt er til verði bersýnilega umfram veiðigetu þess.

Þrátt fyrir ákvæði 1. mgr. má samanlögð aflahlutdeild fiskiskipa í eigu einstakra aðila, einstaklinga eða lögaðila eða í eigu tengdra aðila ekki nema hærra hlutfalli af heildaraflahlutdeild eftirtalinna tegunda en sem hér segir: Þorskur og ýsa 10%, ufsi, karfi, grálúða,

síld, loðna og úthafs rækja 20%. Um takmörkun á hámarksaflahlutdeild vísast að öðru leyti til 11. gr. a og 11. gr. b í lögum nr. 38/1990 um stjórn fiskveiða með síðari breytingum.

Þorskígildisstuðlar.

11. gr.

Við mat á því hvernig veiðiheimildir eru nýttar, sbr. 4. mgr. 12. gr. l. nr. 38/1990, skulu þorskígildisstuðlar fyrir fiskveiðiárið 1. september 1998 til 31. ágúst 1999 vera eftirfarandi: Þorskur 1,00, ýsa 1,05, ufsi 0,65, karfi 0,70, steinbítur 0,85, grálúða 2,15, skarkoli 1,20, langlúra 1,20, skrápflúra 0,60, sandkoli 0,65, loðna 0,08, síld 0,14, humar (slitinn) 8,55, rækja 1,20 og hörpudiskur 0,40. Ofangreindir stuðlar gilda einnig varðandi færslu milli tegunda, sbr. 10. gr. laga nr. 38/1990, eftir því sem við á.

Við mat á því, hvort um jöfn skipti er að ræða, skv. 12. gr. l. nr. 38/1990, með síðari breytingum, skal miðað við meðaltalsviðskiptaverð viðkomandi tegunda á Kvótapingi í síðastliðinni viku.

Endurnýjun fiskiskipa.

12. gr.

Heimilt er að flytja veiðileyfi skips til annars skips, enda hafi rétti til endurnýjunar ekki verið afsalað. Skilyrði þess, að veiðileyfi sé flutt til annars skips er, að eigandi skips sem veiðileyfi lætur, hafi skriflega óskað eftir því að veiðileyfið sé flutt til skips sem sé á skipaskrá hjá Siglingastofnun Íslands og hafi gilt haffærisskipteini.

Fullnægi skip, eigendur eða útgerðir þeirra ekki þeim skilyrðum til að stunda veiðar í efnahagslögsögu Íslands, sem kveðið er á í lögum nr. 34/1991, um fjárfestingu erlendra aðila í atvinnurekstri og lögum nr. 22/1998, um veiðar og vinnslu erlendra skipa í fiskveiðilandhelgi Íslands, skulu skip hlutaðeigandi aðila ekki eiga kost á veiðileyfi í atvinnuskyni í efnahagslögsögu Íslands.

Heimilt er að flytja veiðileyfi fleiri en eins skips til skips er veiðileyfi hlýtur og veita fleiri en einu skipi veiðileyfi í stað skips er veiðileyfi lætur.

13. gr.

Við mat á stærð þilfarsskipa skal leggja til grundvallar rúmtölu þeirra, sem er margfeldi eftirgreindra hönnunarmála:

1. Lóðlínulengdar, sem er lárétt fjarlægð milli aftari lóðlínu, sem er lóðrétt lína er gengur í gegnum stýrisás og fremri lóðlínu, sem er lóðrétt lína er gengur í gegnum skurðpunkt stefnis og hönnunar-vatnslínu.
2. Mótaðrar breiddar, sem er mesta breidd á miðbandi. Þversnið skipsgrindar, sem tekið er mitt á milli lóðlína, nefnist miðband.
3. Mótaðrar dýptar, að neðra þilfari, sem er lóðrétt fjarlægð frá neðri punkti miðbands við kjöl að efri brún þilfarsbita við byrðing.

Fyrir opna vélbáta ákvarðast rúmtala sem 4,3 x brúttótonn, þar sem brúttótonnataka er fundin samkvæmt 5. gr. reglna nr. 433, 17. ágúst 1990, um mælingar skipa undir 24 metrum að lengd.

14. gr.

Heimilt er að flytja leyfi til veiða með aflamarki eins skips til annars jafnstórs skips, miðað við rúmtölu, enda hafi rétti til endurnýjunar ekki verið afsalað. Þá er og heimilt að sameina veiðileyfi tveggja eða fleiri skipa eða skipta veiðileyfi eins skips til tveggja eða fleiri skipa, enda sé samtala rúmtalna þeirra skipa sem veiðileyfi fá ekki hærri en rúmtala þess eða þeirra skipa sem veiðileyfi láta.

Þrátt fyrir 1. mgr. er heimilt að flytja leyfi skips til veiða með aflamarki til annars skips sem er allt að 100 rúmmetrum stærra að viðbættum 25% en þó aldrei meira en 60% stærra en skip það sem veiðileyfi lætur.

Sé skip stækkað með endurnýjun samkvæmt þessari grein eða því breytt skv. 17. gr. verður það ekki stækkað með endurnýjun fyrr en liðin eru a.m.k. 7 ár frá því að endurnýjunin eða breytingin átti sér stað.

Heimild til að flytja veiðileyfi með aflamarki á skip sem er stærra en skip það er veiðileyfi lætur, á aðeins við þegar eitt skip kemur í stað eins eða fleiri skipa og takmarkast stækkunarheimildin við stærsta skipið af þeim sem veiðileyfi láta.

Tilkynna skal til Fiskistofu um fyrirhugaðan flutning veiðileyfa milli skipa samkvæmt þessari grein.

15. gr.

Við útreikning rúmtölu fiskiskipa, samkvæmt ákvæðum reglugerðar þessarar, skal byggt á gögnum tæknideildar Fiskifélags Íslands.

Heimilt er að meta það sérstaklega, ef lögum skipsins er ekki hefðbundin, t.d. ef mismunur mestu lengdar og lóðlínulengdar eða mótaðrar breiddar og mestu breiddar er óvenjulegur. Sama gildir þegar það er miklum vandkvæðum bundið að finna hönnunarmál.

16. gr.

Sé veiðileyfi flutt milli skipa fellur niður umframrúmtala, sem ekki nýtist við þann flutning.

17. gr.

Aðeins er Fiskistofu heimilt að veita skipi veiðileyfi að fullnægt sé skilyrðum 12. gr. Óheimilt er að stunda veiðar í fiskveiðilögsögu Íslands nema að fengnu veiðileyfi Fiskistofu.

18. gr.

Óheimilt er að gera breytingar á skipi sem hefur leyfi til veiða með aflamarki þannig að rúmtala þess aukist nema flutt sé veiðileyfi af öðru skipi eða skipum sem eru jafnstór að rúmtölu og stækkuninni nemur.

Þrátt fyrir 1. mgr. er heimilt að breyta skipi sem hefur heimild til veiða með aflamarki, þannig að rúmtala þess aukist, hafi slíkar breytingar ekki verið gerðar á síðustu 7 árum eða skipið stækkað með endurnýjun samkvæmt 14. gr., enda aukist hún ekki um meira en 100 rúmmetra að viðbættum 25% en þó aldrei meira en 60%.

Tilkynna skal til Fiskistofu um fyrirhugaðar breytingar á skipum samkvæmt þessari grein.

Ýmis ákvæði.

19. gr.

Skipstjóra er skylt að halda fiski um borð í veiðiskipum aðgreindum eftir tegundum. Verði slíku ekki viðkomið vegna smæðar báts skal afli aðgreindur eftir tegundum við löndun. Ennfremur er skylt að láta vigta afla samkvæmt ákvæðum III. kafla laga nr. 57/1996 um umgengni um nytjastofna sjávar og reglugerðar um vigtun sjávarafla.

Afla af skrápflúru og sandkola sem fenginn er á því veiðisvæði sem tilgreint er í 4. mgr. 2. gr. skal haldið aðskildum frá öðrum afla af þessum tegundum og hann veginn og skráður sérstaklega.

Skipstjórar fiskiskipa, sem fara til úthafsækjuveiða á Dohrnbanka, sbr. 2. mgr. 4. gr., eða halda til veiða utan fiskveiðilögsögu Íslands skulu tilkynna sérstaklega til Fiskistofu

hvenær þær hefjast og hvenær þeim lýkur, nema annað sé ákveðið í sérstökum reglugerðum um viðkomandi veiðar. Í tilkynningunum komi fram áætlaður aflí um borð, sundurliðaður eftir tegundum.

Í einni og sömu veiðiferð er óheimilt að stunda veiðar bæði innan og utan fiskveiðilögsögu Íslands. Þetta gildir þó ekki, haldi skip til veiða utan lögsögunnar á fisktegundum í aflamarki, blálöngu og síld.

Heimilt er þó með samþykki Fiskistofu að víkja frá banni samkvæmt 4. mgr., enda hafi aflí og aflsamsetning um borð í fiskiskipi verið staðfest með fullnægjandi hætti að mati Fiskistofu, áður en skip flytur sig milli veiðisvæða utan og innan lögsögunnar.

20. gr.

Útgerðum skipa með fullvinnsluleyfi er skylt að lokinni veiðiferð að skila sérstakri skýrslu um afla til Fiskistofu á eyðublöðum sem Fiskistofa leggur til.

Þá er skipstjórum fiskiskipa skylt að halda sérstakar afladagbækur sem Fiskistofa leggur til samkvæmt nánari reglum þar um og skal upplýsingum skilað mánaðarlega til Fiskistofu.

Skilafrestur á skýrslum til Fiskistofu og afladagbókum skal vera tvær vikur frá lokum hvers tímabils.

Kaupendum afla er skylt að skila til Fiskistofu skýrslum um móttekinn afla í því formi, sem Fiskistofa ákveður.

21. gr.

Brot á reglugerð þessari varða viðurlögum samkvæmt ákvæðum IV. kafla laga nr. 38, 15. maí 1990, um stjórn fiskveiða, sbr. V. kafla laga nr. 57, 3. júní 1996, um umgengni um nytjastofna sjávar. Með mál út af brotum skal farið að hætti opinberra mála.

Um sviptingu veiðileyfa vegna brota á ákvæðum reglugerðar þessarar fer samkvæmt IV. kafla laga nr. 38, 15. maí 1990 um stjórn fiskveiða, sbr. IV. kafla laga nr. 57, 3. júní 1996, um umgengni um nytjastofna sjávar.

Um gjald vegna ólögmarks sjávarafra skal beita ákvæðum laga nr. 37, 27. maí 1992.

22. gr.

Reglugerð þessi, sem sett er samkvæmt ákvæðum laga nr. 38, 15. maí 1990, um stjórn fiskveiða með síðari breytingum, laga nr. 57, 3. júní 1996 um umgengni um nytjastofna sjávar og laga nr. 151, 27. desember 1996, um fiskveiðar utan lögsögu Íslands, öðlast þegar gildi og kemur til framkvæmda 1. september 1998 og birtist til eftirbreytni öllum þeim sem hlut eiga að máli.

Sjávarútvegsráðuneytinu, 16. júlí 1998.

Þorsteinn Pálsson.

Jón B. Jónasson.